



長榮禮拜堂期末聖餐感恩禮拜

長榮中學 108 學年度第二學期期末聖餐感恩禮拜

時間：2020 年 6 月 21 日上午 8 時

地點：長榮禮拜堂

主禮：朱忠宏牧師

司禮：許德勝長老

司琴：許綺雯姐妹

宣召……………司 禮

回應詩……………萬民啊！禔當讚美主上帝……………會 眾

萬民啊！禔著讚美、著讚美主上帝。×2

聖詩……………第 165 首 聖會獨一的地基……………會 眾

1. 聖會獨一的地基，是主耶穌基督；
由主真道來建置，設立永遠天國，
從天降臨贖回他，做主聖潔新娘，
用血，用愛來買他，替死在地面上。
2. 各國受召受主揀，成做一體廣闊，
大家遵奉這聖經，同心信主來活，
獨一聖名咱稱呼，承受天的米糧，
相與盼望大欣慕，所受恩典一樣。
3. 雖有世人的譏刺，有時遇著擾亂，
有時大家相分離，辨明真理異端，
心目看主於頭前，榮光滿意完成，
直到聖會都得勝，享受安寧平定。
4. 聖會設立在地上，連在三位一體，
屬主過往的朋友，與主交陪無替，
咱由稱義得著救，攏是由主恩惠，
願咱能與祂同樣，在天與主做堆。 阿們！

公禱……………主禱文……………會 眾

阮在天裡的父：願祢的名聖；

祢的國臨到，祢的旨意得成，在地裡親像在天裡。

阮的日食，今仔日給阮。

赦免阮的辜負，親像阮亦有赦免辜負阮的人。

勿得導阮入於試，著救阮脫離波個惡的。

因為國，權能，榮光攏是祢所有，代代無盡。阿們。

- (啓) 凡若恁口渴者，箸來就近水，
(應) 也無錢者，恁箸來，來買來食；
(啓) 來啊，不免銀，不免價錢，
(應) 來買酒及奶。
(啓) 恁何事開費錢，買波個不食得的物？
(應) 何事服勞，在波個不使人食飽的啊？
(啓) 恁當留心聽我，就能食波個好物，
(應) 得著享受油膩，使心歡喜。
(啓) 當趁耶和華可尋著的時，來尋祂，
(應) 在祂相近的時求叫祂。
(啓) 惡人當離開他的路，
(應) 不義的人當改換他的念頭；
(啓) 歸向耶和華，祂必憐憫他；
(應) 歸向咱的上帝，因為祂必遍行赦免，
(啓) 耶和華講，我的念頭不是恁的念頭，
(應) 恁的路不是我的路。
(啓) 因為天怎樣更高地，如此我的路更高恁的路；
(應) 我的念頭更高恁的念頭。
(啓) 因為親像雨及雪從天降落，亦無再倒轉，
(應) 就是潤澤土地，使地上發芽結實，
(啓) 使撒種者有種子，
(應) 使食者有米糧；
(啓) 我的嘴所講出的話亦必如此；決斷無空空倒轉來我處，
(應) 是必成我所歡喜的，必使我所差他做的事得著亨通。
(啓) 恁出去必歡歡喜喜，
(應) 得著引導平平安安；
(啓) 大山小山必在恁的面前出聲唱歌，
(應) 田野的樹木攏必搭手。
(啓) 松柏發生來替草荊，
(應) 岡拈樹發生來替蒺藜；
(啓) 這是必做耶和華的名的紀念，
(應) 做永遠的証據，不能剪除。

祈禱.....司 禮
回應詩.....主聽阮祈禱.....會 衆

主聽阮祈禱(×2) 懇求祢聽阮求
主聽阮祈禱(×2) 聽阮懇求的聲

聖經.....箴言 30：7～9.....司 禮

7.我求你二件事，佇我未死的代先，毋通無互我：

8.求你互虛假及白賊離開我遠遠；互我無喪鄉也無好額；用所著用的米糧互我食，

9.驚了我飽足毋認你，講：耶和華是是誰？閣驚了我喪鄉就偷提，致到褻瀆我的上帝的名。

獻詩.....攏交互耶穌.....同仁合唱團

當烏雲阻礙你的路，當傷心目屎若落雨，
當遇到煩惱無快樂，攏交互耶穌，攏交互耶穌。
當暗冥孤單一個人，當聽勿會著美妙歌聲。
當日光出來猶原暗，攏交互耶穌，攏交互耶穌。
祂欲成做你的朋友，欲安慰你互你自由，
無別的朋友親像耶穌，祂是福氣平安歡喜。
祂是希望攏有愛疼，祂互咱罪赦重頭生。
當你面對寒冷暗暝，當你心情暗淡無光，
當苦難互你真失望，攏交互耶穌，攏交互耶穌。
當你背重擔無幫助，當你心神憂傷煩惱，
祂充滿憐憫甲愛疼，攏交互耶穌，攏交互耶穌。
祂欲成做你的朋友，欲安慰你互你自由，
無別的朋友親像耶穌，祂是福氣平安歡喜，
祂是希望攏有愛疼，祂互咱罪赦重頭生。
當清早時日光照來，當黑雲與憂傷離開，
著獻感恩互咱上帝，攏交互耶穌，攏交互耶穌。
噯管是落雨抑出日，祂的疼永遠陪伴你，
祂值得咱感恩謳佬，攏交互耶穌，攏交互耶穌。

講道.....富足人生.....主 禮

祈禱.....主 禮

聖餐.....主 禮

聖詩……第 219 首 主祢身軀替我受傷打破……會 衆

1. 主，祢身軀替我受傷打破，流出寶血顯出真正愛我，
令我坐桌恭敬感謝吟詩，用如此思念，用如此思念，
用如此來思念祢。
2. 世間榮華快樂攏無久長，只有救主十架永遠榮光，
我欲獻身，願主時常指示，可永遠服事，可永遠服事，
可永遠來服事祢。
3. 我今迫切欣慕愛就近祢，常常讚美吟詩冥日歡喜，
救主耶穌助我各時忠義，直到祢再來，直到祢再來，
直到祢再來的時。 阿們！

奉獻詩……聖詩第 306 首 B 我的生命獻給你……會 衆
我的錢銀獻給你，用出攏趁你旨意，
我的才情你賞賜，甘願還你做器具。 阿們。

讀金句……箴言 30：8……司 禮·會 衆
求你互虛假及白賊離開我遠遠；
互我無喪鄉也無好額；用所著用的米糧互我食。

報告……司 禮
頌榮……聖詩第 512 首 願咱救主耶穌基督……會 衆

1. 願咱救主耶穌基督，顯明恩典慈悲，
天父上帝賞賜大福，愛咱親像子兒，
愛咱親像子兒。
2. 聖神權能共咱感動，居起各人心內，
三位一體與咱相通，此時到萬世代，
此時到萬世代。 阿們。

祝禱……主 禮

平安頌……求主賜阮平安〔Dona nobis pacem〕……會 衆
求主賜阮平安，平安；求主賜阮平安。(×2)

殿樂……許綺雯姐妹